



Ռ. Ջ. ԲԱՂԴԱՍԱՐՅԱՆ

ՀԱՅԿԱԿԱՆ ԺԱՐՏԱՐԱՊԵՏԱԿԱՆ ԿՈԹՈՂ ԳՐՈՋՆԻ ՔԱՂԱՔՈՒՄ

Գրովնիում Չեչենո-Ինգուշերիայի ներկայիս մայրաքաղաքում, հայերը երևացել են 19-րդ դարի կեսերին: Առաջին նորաբնակները վաճառականներ էին, որոնց, որպես կանոն, հետևում էին արհեստավորները և հայ բնակչության մյուս խավերը: Նրանք գալիս էին գլխավորապես Հյուսիսային Կովկասի և Անդրկովկասի տարբեր տնտեսական կենտրոններից: Հիմնվելով նոր վայրերում՝ հայերը առաջին հերթին կառուցում էին տներ և եկեղեցիներ: Բացառություն չէր նաև Գրովնի քաղաքը, որտեղ 19-րդ դարի 70-ական թվականներին կառուցվել է Սուրբ Թադեոս և Բարդուղիմեոս հայկական եկեղեցին: Այս եկեղեցին մինչև այժմ չի գրավել հետապոստոլների ուշադրությունը, մինչդեռ այն որոշակի հետաքրքրություն է ներկայացնում ինչպես ճարտարապետական, այնպես էլ պատմական տեսակետից:

Գրովնու հայկական եկեղեցու շինարարությանը հայերը ձեռնարկել են դեռևս 19-րդ դարի 60-ական թվականների վերջերին, այսինքն՝ քաղաքի հիմնադրումից ընդամենը հինգ տասնամյակ անց, որ անշուշտ կապված էր տեղի հայ համայնքի ջանքերի հետ: Շինարարության, ապա և գործառության ժամանակ նրա մասին հաղորդումներ էր հրապարակում պարբերական մամուլը, մասնավորապես «Տերսկիե վեդոմոստի» թերթը, «Արարատ» հանդեսը, ինչպես նաև որոշ պատմագիտական հրատարակություններ:

Հայկական եկեղեցին սկսել է գործել 1872 թվականին¹:

Էջմիածնի սինոդը ընդհանրապես գործունե աջակցություն էր ցույց տալիս Ռուսաստանի տարածքում գտնվող հայկական եկեղեցիների գործունեությանը: Սակայն մինչև 1875 թվականը Գրովնու հայկական եկեղեցին չունեւիր ավագերեցը, և ծեսերը կատարում էին Վլադիկավկազից, Ղպարից, Մոզդուկից, Թեմիր-Ջան-Շուրայից և մոտակա այլ բնակավայրերից եկած քահանաները: Սուրբ Էջմիածինը հետևում էր Գրովնու հայկական եկեղեցու գործունեությանը, հատուկ հանդիսությունների ժամանակ ուղարկում էր իր ներկայացուցիչներին, ինչպես նաև եկեղեցական հարկ էր հավաքում եկամուտի երկու տոկոսի չափով, որից մեկ տոկոսը՝ դպրոցական ֆոնդի, իսկ մեկ տոկոսը՝ եկեղեցական ֆոնդի համար²:

Ինչպես հայտնի է, ծխական համայնքները փոքր դեր չէին խաղում հայկական գաղութների կյանքում: Գրովնու հայ առաքելական ծխական համայնքի կանոնադրությունից, որը հաստատել է Ամենայն Հայոց կաթողիկոսը 1914 թվականի նոյեմբերի 1-ին, հետևում է, որ այդ համայնքի անդամ կարող է դառնալ տասնութ տարին լրացրած

¹ Տես 2-ի ՌՍՍՀ հանրապետական երկրագիտական թանգարան, ց. 4, թղթ. 43, գ. 16:

² Տես 2-ի ՌՍՍՀ հանրապետական երկրագիտական թանգարան, ց. 4, թղթ. 43, գ. 22, 44:

յուրաքանչյուր քաղաքացի, որը պատկանում է տվյալ դավանանքին³: Ըստ որոշ տվյալների 1913 թվականին այս համայնքն ուներ 1200 անդամ⁴: Կանոնադրությունը, որը բաղկացած էր 71 կետից, պարունակում էր հա-

ձանքի ձեռքբերումը, եկեղեցական երգչախմբի ստեղծումը, ծխական հոգաբարձության ընտրությունը, շինությունների կառուցման ու նորոգման համար հատուկ հանձնաժողովի նշանակումը, նշված մարմինների



Գրուլու եկեղեցու վանգակատունը

մայնքի կազմին ու խնդիրներին, նրա գործերի կառավարմանն ու միջոցներին (իրեղեն և դրամական) վերաբերող հարցեր: Համայնքի խնդիրներն էին հոգ տանել եկեղեցու բարեկարգման համար, գույքի, հանդեր-

գործունեության և հաշվետվության ստուգումը, հարկ եղած դեպքում առանձին անձանց քաղաքացիական կամ քրեական պատասխանատվության ենթարկելը և այլն: Ծխական հոգաբարձությունը, որն ընտրվում էր երեք տարի ժամկետով, մասնավորապես եկեղեցու համար կապում էր նախահաշիվ, որը ներառում էր եկամտից բոլոր հոդվածները, ինչպես բուն եկեղեցու պահպանման,

³ Տես նույն տեղում, գ. 1:

⁴ Д. Приволжский. Весь Грозный и его окрестности. Владикавказ, 1914, с. 28.

այնպես էլ նրա բարեգործական գործունեության հետ կապված ծախսերի գծով (դպրոցի պահում, նպաստներ հայ առաքելական դավանանքի անապահով ու գործազուրկ մարդկանց և այլն):

Պետք է նշել, որ համայնքն իր գործունեության մեջ ներգրավված չէր, մասնակցում էր նաև համաքաղաքային միջոցառումներին. օրինակ, 1812 թվականի Հայրենական պատերազմում Ռուսաստանի տարած հաղթանակի 100-ամյակի հոբելյանական հանդիսություններին, առաջին համաշխարհային պատերազմում տուժածներին ցույց տրվող նյութական օգնությանը և այլն⁵:

Իր գոյության հենց սկզբից համայնքը նպատակ է ունեցել համախմբելու Գրոզնիում և նրա շրջակայքում ապրող հայերին: Հայերի փոքր խմբեր էին ապրում Նաուրում, Եղկոպավոդսկայաում, Սեպցովսկայաում և այլ վայրերում⁶: Այստեղ 1897 թվականին հայ առաքելական դավանանքին պատկանող մարդկանց թիվը հասնում էր 163-ի⁷:

Ինչպես հայտնի է, այն հայերը, որոնց Հյուսիսային Կովկաս էր բերել Պետրոս Ա-ն, գործոն դեր էին խաղում երկրամասի տնտեսական-առևտրական կյանքում: Հայտնի է նաև հայերի մասնակցությունը Կովկասում տեղի ունեցած ռազմական գործողություններին: Փառաբանված զորապետներ էին գեներալներ Մադաթովը, Բեհբուդովը, Լոմխի-Մեյիքովը, Ցիցիանովը, Կորգանովը, Տեր-Ասատուրովը և ուրիշներ: Խաղաղ ժամանակ հայ պինվորները շարունակում էին ծառայել տարբեր գնդերում ու գումարտակներում: Արխիվային տվյալները վկայում են, որ հայ պինվորներ են եղել նաև Գրոզնու մարզում տեղաբաշխված գնդերում: Գրոզնու հայկական եկեղեցու հոգևորականները կատարել են նրանց խոստովանության ու երդման արարողությունները, հսկել են ծումապահությանը: Օրինակ, 1902 թվականի մարտ-ապրիլին հայկական եկեղեցում խոստովանվել են 102 հայ պինժառայողներ⁸: Հաճախ, պինվորական հրամանատարու-

թյան խնդրանքով, հայկական եկեղեցու հոգևորականները մեկնում էին զանազան զորամասեր⁹: Իսկ բուն Գրոզնիում բնակվող հայ առաքելական դավանանքին պատկանող քաղաքացիների համար եկեղեցին ուներ ընդհանուր կանոններ¹⁰:

Գրոզնու հայկական եկեղեցին տեղավորված էր քաղաքի բուն կենտրոնում, ձևատուր դեպի Դուրդուկովսկայա փողոցը (այժմ՝ Հեղափոխության պողոտա): Այն քաղաքի տվյալ մասի ճարտարապետական պարզեց էր: 1894 թվականի հունվարի 22-ին Գրոզնու ոստիկանության պետը եկեղեցու քահանա Հակոբ Ժամկոչյանի անունով արել է գրավոր առաջարկություն՝ եկեղեցու հին, խաղաղ հյուսանակապատի փոխարեն կառուցելու նոր ցանկապատ, «որը կարող էր դառնալ ոչ միայն եկեղեցու գեղեցկություն, այլև քաղաքի պարզ»¹¹: Որոշ ժամանակ անց կառուցվել է գեղեցիկ ցանկապատ մետաղյա ցանցկեն ձաղերով՝ ճարտարապետական քարե պուլների միջև¹²: Եկեղեցու գավթում գտնվում էր մի թևաշենք, որը կառուցվել էր եկեղեցու հետ նույն տարում և ծառայում էր որպես հոգևորականների և պահակի կացարան, եկվոր հոգևորականների ընդունարան: Ցուրտ օրերին այստեղ էին տեղի ունենում երեխաների մկրտությունը, եկեղեցական երգչախմբի երգեցողությունը, այն ծառայում էր որպես ծեր ծխականների սպասարան և այլն¹³: Հետագայում այդ շենքին կից կառուցվել է նաև հայկական եկեղեցական ծխական դպրոցի շենքը:

Գրոզնու հայկական եկեղեցին բավական խոշոր ճարտարապետական կառույց է եղել: Նրա նախագծային փաստաթղթերը, գծագրերն ու չափագրությունները չեն պահպանվել, ուստի այստեղ մենք նրա կառուցվածքի ու չափերի մասին միայն մոտավոր պատկերացում կարող ենք տալ՝ հիմնվելով նրա որոշ չափումների վերաբերյալ մեր հայտնաբերած տվյալների, ինչպես նաև լուսանկարների վրա:

Հաշվումները ցույց են տալիս, որ ամբողջ կառույցի երկարությունը եղել է 25 մետր, լայնությունը՝ 11,5 մետր, եկեղեցու բարձրությունը մոտավորապես հավասար է եղել երկարությանը, չհաշված վանդակատունը: Կա-

⁵ Տես 2-ի ԻՍՍՀ հանրապետական երկրագիտական թանգարան, ց. 4, թղթ. 43, գ. 1, 8, 19, 22:

⁶ «Сборник материалов для описания местности и племен Кавказа», вып. 15, Тифлис, 1933, с. 143.

⁷ «Терский календарь на 1897 г.», Владикавказ, 1896, с. 8.

⁸ Նույն տեղում, գ. 10:

⁹ Տես <ՍՍՀ ԿՊԱ, ֆ. 52, ց. 1, գ. 4690, էջ 1, 7, 10, 11, գ. 4447, էջ 6—7, գ. 7275, էջ 4—8, 10, 13, 15, 17, 19, 21:

¹⁰ Տես 2-ի ԻՍՍՀ հանրապետական երկրագիտական թանգարան, ց. 4, թղթ. 43, գ. 2, 5, 13, 26:

¹¹ Տես 2-ի ԻՍՍՀ ՊԿԱ, ֆ. 1, ց. 1, գ. 33, էջ 4:

¹² <ՍՍՀ ԿՊԱ, ֆ. 52, ց. 1, գ. 3575, էջ 23, 26:

¹³ Ցանկապատի տեսքն այստեղ նկարագրվում է ըստ քաղաքի հնաբնակների հուշերի:

¹⁴ Տես 2-ի ԻՍՍՀ հանրապետական երկրագիտական թանգարան, ց. 4, թղթ. 43, գ. 16:

ռուսացի ճարտարապետական-կառուցվածքային վերլուծությունն ու ստացված չափականները, ինչպես նաև նախկին ծխականների ցուցմունքները հանգեցնում են այն եզրակացության, որ դա եղել է միանավ, բավական ծավալուն բազիլիկա, որն ունեցել է խաչաձև բեթոնային տիպի դասական համադրում (այդ տիպը, ինչպես հայտնի է, առաջին անգամ կիրառվել է Հայաստանում, V դարում, իսկ քառասուն գմբեթավոր եկեղեցիներ արևմտյան կողմում պանգակատնով, ինչպես հայտնի է, կառուցել են հայերը XIX դարում Հյուսիսային Կովկասի մի շարք քաղաքներում): Հիմքը կազմվել է խաչաձև հատակագիծը, որն ունեցել է գմբեթավոր դահլիճի նմանությամբ ձգված ուղղանկյուն ուրվագիծ: Եկեղեցու գմբեթի ու թանխատ թմբուկը ունեցել է կամարակապ նեղ լուսամուտ-խորշեր, բարձրացել է գմբեթի խաչամեջի վրա և պսակվել է հովանոցաձև ցանցկեն ծածկով: Մեծ ճաշակով են մշակված եղել շենքի հյուսիսային և հարավային ճակատները, որտեղ պատերի մաքուր մակերեսին աչքի են ընկել չորսական բարձր երկավոր լուսամուտ-խորշեր: Դրանց վերևում եղել են փոքր, բայց արդեն կտր խորշեր, ըստ երևույթին լրացուցիչ լուսավորման համար: Ենթադրվում է եղել արևմուտքից արևելք, ճակատն ավարտվել է բրգաձև ծածկ ունեցող բավանխատ արքիդով: Փոքր-ինչ դուրս կարկառված (հյուսիս-հարավ) թևերը (որոնցից մեկը՝ շքաթևը, հարավայինը, ունեցել է եկեղեցու մուտքը), ձևավորված են եղել երկթեք սյունասարահներով:

Եկեղեցու ներքին ծավալային լուծումների մասին կարելի է ասել հետևյալը: Մեծ դահլիճը շենքի արևելյան մասում ավարտվում էր կիսակլոր սյունասարահ-բեմով: Արևելյան կողմից այն ձևավորված էր դարպասանման մեծ մուտքով ու գավիթով¹⁵: Իսկ միջին մասը լուծված է եղել կենտրոնագմբեթ տաճարների սկզբունքով, որտեղ բազիլիկայի երկայնակի ու լայնակի նավերը հատման հետևանքով կապվել են կիսակլոր կողային տարածք: Իսկ բարձր կամարները չորս կողմից պահում էին թաղերը: Դահլիճը վարդարված է եղել սրբապատկերներով, կահավորված է եղել պանապան եկեղեցական գույքով: Բեմն ունեցել է պարզանկարված վարագույր: Ըստ նախկին ծխականների հուշերի, եկեղեցու ներքին հարդարանքը եղել է հարուստ ու շքեղ: Դա պզգցվել է առանձնապես այն ժամանակ, երբ բազում մոմերի

լույսը լուսավորում էր սրբապատկերները, պատերի ոսկեզօծ հարթաքանդակները և մյուս իրերը: Ի դեպ, այդ մոմերը գնվում էին տեղում կամ բերվում էին Աստրախանից ու Մոսկվայից¹⁶:

Սկզբնապես եկեղեցու արևմտյան ճակատին կից կառուցված է եղել երեք հարկաշարքով պանգակատուն քառակուսի հատույթով՝ կողմի մեծությունը 5,68 մետր, 17,04 մետր բարձրությամբ (մինչև գմբեթը): Բոլոր երեք հարկաշարքերը, որոնք շատ քիչ էին փոքրանում լայնությամբ, ունեցել են ուղղանկյուն հատվածք: Գետնից վեր հիմք են ծառայել երկու առաջասյուն հինգ աղյուսի բարձրությամբ և երեք կամար՝ յուրաքանչյուրը 3,55 մետր լայնությամբ: Իսկ վերին երկու հարկաշարքերի ետևի պատերը հիմնված են եղել եկեղեցու պատի վրա երեք աղյուսի լայնությամբ առանց սյուների: Դրա հետևանքով ներքևի բոլոր երեք կամարները մեծ ծանրության տակ խոր ճեղքեր են տվել, ճեղք է տվել նաև եկեղեցու պատը:

Եկեղեցու երեցփոխ պաշտոնաթող կապիտան Դավիթ Օհանջանյանը Աստրախան է ուղարկել պեկուցագիր, որով հայտնվում էր պանգակատան վթարային վիճակի և, դժբախտ պատահարներից խուսափելու համար, շտապ միջոցներ ձեռնարկելու անհրաժեշտության մասին: Դ. Օհանջանյանն առաջարկում էր քանդել պանգակատունը և նրա տեղը կառուցել նորը, որի նախագիծը նա կցել էր պեկուցագրին: Ծխական ժամայնքն ընտրել էր հեղինակավոր հանձնաժողով, գլխավորապես վաճառականներից: Հանձնաժողովը, հանգամանորեն հետապնդելով պանգակատան վիճակը, կապվել էր արձանագրություն նրա վթարային վիճակի մասին¹⁷:

Պետք է ասել, որ պանգակատան վերականգնման ու եկեղեցու հիմնական շենքի նորոգման, ինչպես նաև ծխական դպրոցի շինարարության հարցերը երկար ժամանակ էին լուծվում հիմնականում անհրաժեշտ դրամական միջոցների պակասության պատճառով, օրինակ, եկեղեցու 1885 թ. ամբողջ դրամական եկամուտը 444 ռուբլի էր¹⁸: Դա պայմանավորված էր ծխականների փոքր թվով (1886 թվականին՝ 180)¹⁹, որն առանձնապես չմեծացավ մինչև 1880-ական թվականների վերջը:

¹⁵ Ств <УУ> ԿՊԱ, ֆ. 52, ց. 1, գ. 3205, էջ 44:

¹⁷ Ств նույն տեղում, գ. 3575, էջ 2, 4, 32—35:

¹⁸ Ств <УУ> ԿՊԱ, ֆ. 52, ց. 1, գ. 3205, էջ 10:

¹⁹ «Алфавитные списки армяно-григорянских церквей и магометанских мечетей». СПб, 1886, с. 20,

¹⁵ Ств «Արարատ» հանդես, Էջմիածին, 1904, փետրվար, էջ 104:

Գրոյնու հայ բնակչության նկատմամբ անտարբեր չէին մերձակա քաղաքների հայ բնակիչները: Հայտնի է այսպիսի մի փաստ: 1893 թվականի օգոստոսի 28-ին վրացա-խմերթյան թեմական խորհուրդը հայտնել է Գրոյնու հայկական եկեղեցու քահանային, որ թիֆլիսահայ Պետրոս Բաղինյանցը 1892 թվականին կտակ է թողել, որով, այլ նվիրատվությունների հետ մեկտեղ, 1000 ռուբլի է հատկացրել Գրոյնու հայկական եկեղեցական-ծխական դպրոցի համար: Այդ դրամը 1894 թվականի մարտի 29-ին հանձնվել է Գրոյնու հայկական ծխական խորհրդին, ապա ի պահ տրվել Աստրախանի հայկական դպրոցական դրամական ֆոնդին, այնուհետև՝ Աստրախանի քաղաքային հասարակական բանկին²⁰:

Գրոյնու վաճառական Դավիթ Բաղդասարի Շավելյանցը 1899 թվականի հունվարի 28-ին Աստրախանի թեմի առաջնորդին պատրաստականություն է հայտնել փող տրամադրելու եկեղեցու նորոգման և վանդակատան վերակառուցման համար²¹, բայց նրա միջոցներն ինչ-ինչ պատճառներով չեն օգտագործվել այդ նպատակով: Դարասկըզբին հին, խարխլված վանդակատունը քանդվել է և նրա տեղը, հիմքի աննշան ընդարձակմամբ, նոր նախագծով, կառուցվել է նորը: Դա իրագործվել է Գրոյնու բնակիչներ Մարիամ և Գրիգոր Բեգլարյանների միջոցներով, որի վերաբերյալ կա Ամենայն Հայոց կաթողիկոսի 1910 թվականի սեպտեմբերի 22-ի կոնդակը՝ «Գոհունակության և օրհնության Գրոյնա քաղաքի տիկ. Մարիամ և պ. Գրիգոր Բեգլարյան ամուսինների անունով՝

տեղական եկեղեցու վանդակատունն իրանց ծախքով շինելու համար»²²:

Նախորդի նման նոր, արդեն երկու հարկաշարքով և ավելի փոքրածավալ վանդակատունը կառուցվել է կարմիր աղյուսից: Ըստ նախագծի այն ունեցել է 11,7 մետր բարձրություն մինչև գմբեթը, հատույթը նույնպես եղել է քառակուսի՝ կողմի մեծությունը 5,9 մետր: Հիմքի վրա այստեղ արդեն պատվանդան են ծառայել քառակուսի հատույթով չորս սյուն, որոնց միջև բարձրացել են պատերն ու կամարները: Չանգակատան նախասրահի ձախ կողմում եղել է շինություն վանդակատան վերնահարկը տանող աստիճանների համար: Չանգակատունը վերջանում էր սաղավարտանման ծածկով, որն իր հետաքրքիր ուրվանկարով բնորոշ էր այդ ժամանակի ռուսական շինարարական մշակույթին:

Կանգնած լինելով առջևում՝ վանդակատունը շատ լավ տեսանելի էր իր ձիգ ծավալով, ձևերի ու զարդատարրերի հստակ ու խիստ ուրվագծերով, ընդհանուր հանդիսավոր տեսքով, երկթեք տանիք ունեցող ուղղանկյուն ճակատամուտքով:

Գրոյնու հայկական եկեղեցին մոնումենտալ կառույց էր ծավալատարածական հետաքրքիր լուծումով, ազգային ճարտարապետության գծերով, որ լիովին համապատասխանում էր Հայ Առաքելական եկեղեցու ավանդներին և տեղի հայ բնակչության հոգեվոր պահանջմունքներին: Այն Ռուսաստանում եղած հայկական մոնումենտալ ճարտարապետության լավագույն նմուշներից էր²³:

²⁰ «Արարատ», հանդես, էջմիածին, 1910, հոկտեմբեր, էջ 907:

²¹ Գրոյնու հայկական եկեղեցու ամրոց համակառույցի մասին տես նաև՝ Ք. 3. Багдасарян, Об армянской церкви в Грознам. «Историко-филологический журнал», 1985, № 1(108), сс. 331—334.

²⁰ Տես ՀՍՍՀ ԿՊԱ, ֆ. 52, ց. 2, գ. 672, էջ 36—38, 60, 61, 63, 66, 74:

²¹ Տես նույն տեղում, գ. 375, էջ 43:

